

ქართული და ზოგადი ენათმეცნიერება

ნათელა პერიод „ცნობილი“ თუ „ცნობადი“

თანამედროვე ქართულ ზეპირ თუ მწიგნობრულ მეტყველებაში ხშირად გავიგონებთ ვითარებითი ბრუნვით წარმოქმნილ სახელებს. მათი რაოდენობა ენაში ამ ბრუნვის გააქტიურებაზე მიგვანიშნებს. ზოგიერთი მათგანი მართებულად გამოხატავს შინაარსს, ანუ ფორმა და შინაარსი ერთმანეთს შეესაბამება, უფრო ხშირად კი ანალოგიის საფუძველზე მიღებული არასწორი ფორმები გარდევულ უხერხულობას ქმნის.

უნდა აღინიშნოს, რომ ვითარებითი ბრუნვის ნიშანი -ად ზედსართავ სახელებს არსებითისაგან აწარმოებს: თვალ-ად-ი, ტან-ად-ი, ფერ-ად-ი, პურ-ად-ი, სულ-ად-ი.... ამის გარდა, იგივე წარმოებაა: დიდ-ადი, დიადი, მცირე-მცირედი (ზედსართავის ვითარებითი ბრუნვის ფორმით არის მიღებული ისევ ზედსართავი სახელი); რიცხვითი სახელი პირველისაგან პირველად-ი ... ეს უკანასკნელი ახალშექმნილი ტერმინია“ (შანიძე, 1973: 145-146).

ასევე „ტექნიკური ლიტერატურის ენაში ჩვეულებრივ გვხვდება მსგავსად გაკეთებული ფორმები საწყისისაგან: ჭედ-ად-ი, ვეოქვ-ად-ი „ხურ-ებ-ად-ი, კუმშვ-ად-ი“ (შანიძე, 1978: 146).

დღეისათვის გვხვდება ასეთი ფორმები:

დღევანდელ სიტუაციაში გვხვდება ასეთი ფორმები:

აგზებადი	კრისტალებადი	შთაგონებადი
არაცვალებადი	კუმშვადი	თელვადი
არჩევადი	ლაპობადი	ტევადი
ბრუნებადი	მალფუჭებადი	ტეხადი
ბრუნვადი	მატებადი	თვისებადი
გაფართოებადი	მილევადი	თვითანთებადი
გამოსხივებადი	მოუნელებადი	თვითნაბადი
განსხივებადი	მსხვერევადი	უდვლილებადი
განვითარებადი	მტგრევადი	უხსნადი

განვითარებადი	ქვეყნები	მწვადი	ვალმონახადი
გასაძლებადი		ნაციონალური	ჭედადი
გაყინვადი		ქრობადი	ცვალებადი
დანაშილებადი		დუნვადი	ცვივნადი
დასაშვებადი		რყევადი	კლებადი
დაშლადი		სახეცვალებადი	წელვადი
დნობადი		შეცნობადი	წილადი
დრეკადი		შექცვადი	წრთობადი
ზრდადი		შრომატევადი	წყალბადი
ვეოქვადი		შეუცნობადი	ხილვადი
ფორმაცვალებადი		შეხორცებადი	ხრწნადი
ფუჭებადი		შრობადი	ხსნადი
ჟანგვადი			

ზემოთ ჩამოთვლილ სიტყვებს დაესმის კითხვა – როგორი? მათ სინტაქსური ფუნქციებიც ერთნაირია აქვს. ორივე ჯგუფის ლექსები განსაზღვრების ფუნქციას ასრულებს წინადაღებაში, მაგრამ მორფოლოგიურად ზოგი ზედსართავი სახელია, ზოგი კი სახელზმა, რომელიც საწყისის ვითარებით ბრუნვას ეყრდნობა და ბევრი მათგანი პარალელურ ფორმებს იკეთებს მხოლოდ -ულ სუფიქსის მეშვეობით და ვნებითი გვარის წარსული დროის მიმღეობის ფორმად აღიქმება.

გასხივებადი	გასხივებული
გამოსხივებადი	გამოსხივებული
თვითაალებადი	თვითაალებული
ადვილადაალებადი	ადვილადაალებული
ცვალებადი	შეცვლილი
კრისტალებადი	დაკრისტალებული
მონელებადი	მონელებული
მოუნელებადი	მოუნელებელი
უდლებადი	უდლილებული (ნაუდლებელი)
დანაშილებადი	დანაშილებული
კლებადი	დაკლებული

შეტანებადი	შეტანებული
აგზებადი	აგზებული
შთაგონებადი	შთაგონებული
ინდუქტირებადი	ინდუქტირებული
შეხორცებადი	შეხორცებული
ფუჭებადი	გაფუჭებული

**საკითხის ნათელსაყოფად წარმოგიდგენთ მოქმედებითი
გვარის ზმნებისა და მიმღეობებათა სქემას**

ზმნები	მიმღებითი			
	მოქმ- ბები	მოქმ- ბები	ვნებ- ლისადრო	საშ. გვ.
ასხივებს	დამსხივებული	დასხივებული	მსხივარე	სხივადი
აალებს	ამაალებული	აალებული	-	აალებადი
აკრისტალებს	მაკრისტალებული	გაკრისტალებული	-	კრისტალებადი
ინელებს	მომნელებული	მონელებული	-	მონელებადი
აუდლებს	მაუდლებული	ნაუდლებული	უდლებარე	უდლებადი
ანაწილებს	გამანაწილებული	განაწილებული	-	განაწილებადი
ალებს	მპლებული	მოპლებული	მკლებარე	კლებადი
ატანს	გამტანებული	გატანებული	მტანებარე	ტანებადი
აგზებს	აღმგ აგზებული	აგ ზნებული	მგ ზნებარე	გ ზნებადი
შთაგონებს	შთამაგონებული	შთაგონებული	-	შთაგონებადი
ინდუქტირებს	მაინდუქტირებული	ინდუქტირებული	-	ინდუქტირებადი
ახორცებს	შექსორცებული	შექსორცებული	მხორცებარე	ხორცებადი
აფუჭებს	გამფუჭებული	გაფუჭებული	მფუჭებარე	ფუჭებადი
აფრკვევს	მფრკვევებული	დაფრკვემდი	მფრკვევარე	ფრკვევადი
აშენებს	მშენებელი	აშენებული	მშენებარე	შენებადი
აკერებს	მკერებული	დაკერებული	-	კერებადი
ამჟობს	მჟონებული	დამჟონებილი	-	ჟონებადი
აჭკონებს	მჭკონებული	დამჭკონებარი	-	ჭკონებადი
ზრდის	გამზრდებული	ზრდდილი	-	ზრდადი

უკელა ზმნას არ აქვს უნარი აწარმოოს სამივე გვარის მიმღეობა. ცხრილში ნაჩვენებია, რომ საშუალი გვარის მიმღეობის წარმოება ენას უჭირს, გრამატიკულად, ბუნებრივად წარმოქმნილი მიმღეობის მცირე რაოდენობაა მხოლოდ, მაგრამ ენა თხოულობს საშუალებას საშუალი გგარის მიმღეობის შინაარსის გამოსახატავად, ამიტომ ააქტიურებს ად-იან ფორმებს აზრის შესაბამისი გამოხატვისათვის და ცდილობს მის დამკვიდრებას. ჩვენი აზრით, ად-იანი ფორმები უნდა გამოვიყენოთ იმ შემთხვევაში, სადაც საშუალო გვარის მიმღეობას გრამატიკული მ-არ-ე აფიქსები ვერ აწარმოებს. ხოლო თუ ბუნებრი-

ვად ეს აფიქსები მიმღეობას აქსს, მაშინ მას ადარ სჭირდება -ად სუფიქსით ნაწარმოები მიმღეობის ფორმა, თუმცა დღევანდელ სალიტერატურო ენაში -ად-იანი ფორმა ენაცვლება და ფეხს იკიდებს ვნებითი გვარის წარსული ღროის მიმღეობებთან, რაც, რა თქმა უნდა, ენას ბუნებრივ სახეს უკარგავს და მართებული არ არის (იხ. ცხრილი). -ად-იანი მიმღეობის ფორმა შინაარსობრივად გამოხატავს დაუსრულებელ, მიმღინარე, დინამიკურ შინაარსს თანადროულობაში (როდესაც ჩვენი ქმედება ემთხვევა მიმღეობით გამოხატულ შინაარსს, ანუ თანამდევრობის მიხედვით ერთდროულია, ე.ი. თანადროული).

-ად-იანი მიმღეობის ფორმა ენაცვლება საშუალო გვარის ზოგიერთ ავტოტივურ და მედიოპასიურ მიმღეობებსაც:

ავტოტივები	საშუალი გვარის მიმღეობა	საშუალი გვარის ად-იანი ფორმები
ქუს	მ-ქუს-არ-ე	-
წუს	მ-წუს-არ-ე	-
დუდს	მ-დუდ-არ-ე	-
დუმს	მ-დუმ-არ-ე	-
სძინავს	მ-ძინ-არ-ე	-
დვიძავს	მ-დვიძ-არ-ე	-
შფოთავს	მ-შფოთვ-არ-ე	შფოთვ-ად-ი
ჭმუნავს	მ-ჭუნვ-არ-ე	ჭმუნვ-ად-ი
ბრწყინავს	მ-ბრწყინვ- არ(ლ)-ე	ბრწყინვ-ად-ი
ბზინავს	მ-ბზინვ-არ-ე	ბზინვ-ად-ი
ცხავს	მ-ცხ-არ-ე	-

მედიოპასივი		
დგას	მ-დგომ-არ-ე	-
ზის	მ-ჯდომ-არ-ე	-
სხედს	მ-სხედვ-არ-ე	-
წევს	მ-წოლ-არ-ე	-
ძევს	მ-დებ-არ-ე	-

„მ-არე აფიქსები მედიოპასიურ ზმნათაგან წარმოებულ მიმღებებში მდებარეობას გამოხატავს“ (შანიძე, 1973: 580).

ზემოთ აღვნიშნეთ, რომ -ად-ი წარმოების მიმღეობები გამოხატავს პროცესს, დაუსრულებელ მდგომარეობას. ამას ნათლად გვიდასტურებს პუბლიცისტური თუ პოლიტიკურ-ეკონომიკური ხასიათის ტექსტები. ხშირად ვკითხულობთ ან გვესმის „განვითარებადი ქვეყნების მიმართ გატარებული ღონისძიებები“, „განვითარებადი ქვეყნების პოლიტიკურ-ეკონომიკური ცხოვრების პროგრამა მკვეთრად, იერარქიულად განსხვავდება „განვითარებული ქვეყნებისაგან“ ...

ბუნდოვანებას ქმნის ტერმინი „განვითარებადი“. „თანამედროვე მსოფლიოში არაერთმა განვითარებადმა ენამ გამოაცხადა თავი სახელმწიფო ენად“. თუ ენა განვითარებული და სრულყოფილი, ჩამოყალიბებული არ არის, სახელმწიფო ენად მისი მიღება საეჭვო ხდება.

როგორც ვნახეთ, „განვითარებადი“ აღნიშნავს პროცესს, „განვითარებული“ კი შედეგს. გარდა სემანტიკისა, ისინი მორფოლოგიურადაც განსხვავებულ ფორმას წარმოადგენს. ამიტომაც მათი ერთ კონტექსტში გამოყენება შეუძლებელია.

დღევანდელ ქართულ ენაში აქტიურად გამოიყენება ერთი და იმავე მნიშვნელობით კიდევ ერთი წყვილი – „ცნობილი“ და „ცნობადი“. ორივე სიტყვას დაესმის კითხვა – როგორი? „ცნობილი“ გვხვდება ზმნისწინითაც - „გაცნობილი“, „შეცნობილი“, „გამოცნობილი“, ამიტომ ის წარმოადგენს ვნებითი გვარის წარსული დროის მიმღეობის ფორმას. მასზე ვერ ვიტყვით, რომ ზედსართავია. მისი სინტაქსური ფუნქციაც განსაზღვრებით შემოიფარგლება.

რა არის „ცნობადი?“ – (ცნობა // გაცნობა, შეცნობა) საწყისის ვითარებითი ბრუნვის ფორმაა და გამოხატავს იმავე შინაარსს, რასაც „ცნობილი“. კითხვასაც იმავეს დაისვამს – „როგორი?“ ისიც განსაზღვრების ფუნქციას ასრულებს წინადადებაში, მაგრამ შინაარსობრივ დაპირისპირებას ქმნის. როგორც წინა შემთხვევაში -ულ-იანი ფორმა შედეგზე მიგვითოთებს, -ად-იანი ფორმა კი პროცესზე. მიმართებითი დროის, თანამდევრობის მიხედვითაც განსხვავებულია; I ფორმა წარსული, უწინარესია; II ფორმა კი ჩვენ თვალწინ ხდება, ანუ, თანადროულია. ჩვენ შევედებით, დავაკონკრეტოთ ამ თრი ფორმის გამოყენების არეალი. ამისათვის არ იქნება

ურიგო, გადავხედოთ თითოეული ლექსემის მნიშვნელობას, მისი გამოყენების ქრონოლოგიას.

„ცნობილი“ და „ცნობადი“ ფორმების ამოსავალია „ცნობს“ ზნის საწყისი – „ცნობა“. ძველი ქართული ენის განმარტებითი ლექსიკონის თანახმად, მას რამდენიმე მნიშვნელობა გააჩნია: „ცოდნა“, „გაგება“, „გრძნობა“, „მიხედრა“, „სწავლა“, „გულისხმისყოფა“, „უწყება“, „გონიერება“. „გამომეცნება“ - გაცნობა. მაგალითად:

1. „კცან“ - გულისხმა-ვება: ცნეს (გულისხმა-ვება, რამეთუ ჩუენებად რამდე იხილა“).

2. „ცანთ იგავი ესე“ - „ისწავლეთ იგავი“ („ცანთისწავლეთ“).

3. „ვეცნობე მათ ქვეყანასა შინა ეგბპტისასა – გამოვემეცნე მათ ქუეყანასა ეგუიპტესასა“.

4. „კაცი ნუ სცნობს სიტყუათა ამათგანსა“ – „კაციმცა ნუ ვინ აგრძნობს სიტყუათა ამათ“;

5. „დადათუ უცებ გარ სიტყვითა, არამედ არა ცნობითაცა (გონიერებით)“.

6. „ცნობად იცის ხმისაღ“ – „აღიარებს, ვითარმედ ცნობად აქუს დროთისაღ“.

7. „არ იყო მათ თანა ცნობად – არდარა იყო მათთანა გონებაი“.

8. „კური ისმენს გარეშეთა სიტყუათა მისცემს ცნობასა გონებისასა“.

9. „დაამტკიცა... ხილული და ცნობილი შორის სიმდიდრესა“.

ტერმინ ცოდნასთან დაკავშირებულია მრავალი ჩვენთვის საინტერესო ლექსემა...

გამოცნობა – ცოდნა: „სჯულისგან არს გამოცნობად ცოდვისაღ“.

მეცნავი – მეცნიერი; უცნაური – უცნობი, უგნური, უმნიშვნელო, გამოუჩინებელი; საცნაური - ცხადი, ცნობილი შესაცნობი; საცნობელი – ცნობიერება, მგრძნობელობა, გასაგები, უცნობელი - უგუნური, უგრძნობელი; უცნობო-უგუნური, უმეცარი უცნობობა – უგუნურობა.

შემქცნება – ცნება; შეცნობა – ცოდნა, შეტყობა.

„მე არარად ესევითარი საქმე შემეცნა თავისა ჩემისადა“; „ასევე ვერარად შევაცან ცოდვად თავსა ჩემსა“.

ესე იგი, ძველ ქართულ ში, განმარტებითი ლექსიკონის მიხედვით, ტერმინის ერთ-ერთ შინაარსს ცოდნა წარმოადგენს. და ფორმა ცნობადიც „ცნობა“ ფორმის ვითარებითი ბრუნვის ხელმეორედ ნაბრუნები ფორმაა.

ცნობს ზმნა მიმღების ფორმებს აწარმოებს:

ცნობს-ის მას; მ-ცნობ-ელ-ი; ცნობილ-ი; მცნობარე.

„მცნობარეს“ ფორმა არ გვაქვს, რომ გვქონოდა, უნდა გამოეხატა მიმღინარე პროცესი, ადამიანი ან მოვლენა, რომელიც შეიგრმობა, შეიცნობა. ამ შინაარსს კი გამოხატავს დღეგან-დელ ქართულ ენაში ტერმინი „ცნობადი“, რომელსაც თანა-მედროვე შინაარსი ენის ისტორიის სხვადასხვა ეტაპზე განსხვავებული პქონდა.

ძველ ქართულ ში გვხვდება „ცნობადი“, რომელიც ნიშნავს „ცოდნას“. მაგალითად, „ხე არს ცნობადისა, კეთილისა და ბოროტისა“ (აბულაძე, 1973: 518).

ი. აბულაძის ლექსიკონში დასტურდება ფორმა „ცნობადი“ მხოლოდ არა დღეგან-დელი მნიშვნელობით. „ცნობადი“, ანუ ცნობიერი, თანამედროვე გაგებით, ნიშნავს პოპულარულს და ხშირად ცვლის უადგილოდ „ცნობილ“ ფორმას... ზურაბ სარჯველაძის აზრით, ცნობადი იგივეა, რაც ცოდნა ცნობადობა – მისახვედრობა: „კაცთ სიტყვერთასა უზენაეს არს უნივორულითა და ცნობადობითა“ (სარჯველაძე, 1995: 253).

ამავე საკითხთან დაკავშირებით ქართული ენის განმარტებითი ლექსიკონი ასეთ ინფორმაციას გვაწვდის: ზმნას „აცნობს“ აქვს შემდგენ მნიშვნელობები – ხვდება, იცნობს, მიიჩნევს ჩათვლის შემოქმედების აღიარებას; გონიერება, ცნობიერება, ამბავი. ტერმინი „ცნობადი“ აქაც ფიქსირდება ასეთი განმარტებით – ცნობადი (ცნობადისა) არის ის, რისი შეცნობაც შეიძლება, ანუ შეცნობადი. ამასთან დაკავშირებით დიმ. უზნაძე განმარტავდა: „ყოველი განცდის ფაქტი უკვე იმით, რომ იგი განცდაა, სუბიექტისათვის იმთავითვე ცნობადია“ (ქეგლი, 1964, VII: 642).

საბოლოოდ შეიძლება ასეთი დასკვნა გამოვიტანოთ: ცნობადია ყველაფერი, რაც არსებობს და რისი გაგება, შეცნობაც შეიძლება და არავითარი „პოპულარულის“ სემანტიკა არ დევს მასში.

როგორც აღვნიშნეთ, „ცნობადი“ „ცნობილის“ პარალელურად გამოიყენება; ტერმინი ძველი ქართულისათვის არ არის დამახასიათებელი. ძველი ქართული ენის ლექსიკონში

იგი არ გეხვდება, მაგრამ გეხვდება ახალ ქართულში, კერძოდ, შოთა რუსთაველის „ვეფხისტყაოსანში“ დაფიქსირებულია ტერმინი „ცნობილი“, თუმცა „პოპულარულს“ და „სახელგანობრებულს“ ჯერ კიდევ არ ნიშნავს.

1. „სწყუროდეს, წყალსა ვინ დაღვრის, კაცი უშმაგო ცნობილი“;

2. „უბრძანა: ნუ სტირ, ასულო, ისმინე ჩემი თხრობილი, ხარცა ბრძნად მქნებლი საქმისა, იყვა წყნარი და ცნობილი“;

3. „მას ქალსა ნესტან დარეჯან იყო სახელად ხმობილი, შეიძისა წლისა შეიქმნა ქალი წყნარი და ცნობილი“.

როგორც ვხედავთ, ტერმინს „ცნობილს“ ახლავს მსაზღვრელი „უშმაგო“, „წყნარი“, რომლებიც მიგვანიშნებს იმაზე, რომ უშმაგო, წყნარი პიროვნება აუცილებლად ჰქვიანი და გონიერიც იქნება. ამას გვიდასტურებს „ვეფხისტყაოსნის“ ლექსიკონიც (რუსთაველი, 2014: 102). „ცნობილი“ ახალი ქართული ენის პირველ ეტაპზე XII-XIII სს-ში დაფიქსირებულია და ნიშნავს „ჭკვიანს“, „გონიერს“.

დღევანდელ ქართულ ენაში ტერმინი „ცნობილი“ (ცნობილისა) გრამატიკული ფორმა ვნებითი გვარის წარსული დროის მიმდეობაა. აღნიშნავს:

ა) ის, რაც იციან – ნაცნობი, იგივეა რაც გამოცნობილი; ბ) რასაც ან ვისაც ბევრი იცნობს, მალიან გავრცელებული პოპულარული, განთქმული; გ) ვინც ან რაც ცნეს – აღიარებული, მიჩნეული (ქეგლი, 1964: 642).

ყველა სიტყვა აასუხობს კითხვაზე – „როგორი?“

დღევანდელ ქართულ ენაში, განსაკუთრებით პერიოდიასა და ტელეგადაცვებში, ინტერნეტში ხშირად ვხვდებით მსაზღვრელის ად-იან ფორმებს, -ილ-იანი ფორმების ნაცვლად. მაგალითად:

1) „ჩვენ გვეავს მომდევრლები, რომლებიც არ მდერიან; მსახიობები, რომლებსაც წლებია, არსად უთამაშიათ; შოუმენები, რომლებსაც შოუ არ აქვთ და ისინი ყველანი მაინც ცნობილები არიან

უბრალოდ მაინტერესებს „ცნობადი“ სახეები, რომ არ გამოსულიყონენ, ვინ იქნებოდნენ?“

2) „მსოფლიო სპორტი, 2013 წლის 3 მაისი, გიორგი ბარბაქაძე „10 ყველაზე ცნობადი სახე ჩოგბურთის გულშემატკიცართა შორის“. „

„მათ შორის უამრავი საქვეყნოდ ცნობილი სახეა“ ...

- 3) სტატიაში წარმოდგენილია შოუბიზნესის ცნობადი წარმომადგენლების ფოტოები თავიანთ მშობლებთან ერთად...
- 4) „ცნობადი სახე, ფრედერიკ შოპენი, ერთ-ერთი უდიდესი კომპოზიტორი, მართალია ცხოვრების ღიდი ნაწილი საფრანგეთში გაატარა“ ...
- 5) „ცნობადი სახე, მიხეილ გორბაჩივი, საბჭოთა კავშირის უკანასკნელი ხელმძღვანელი, სწორედ მის პერიოდში დასრულდა ცივი ომი“ ...
- 6) „ცნობადი სახე, ტროელი ელენე, ქალთა შორის უდამაზები, ზევსის ქალიშვილი სპარტასა და ტროს შორის ომის მიზეზი გახდა...“
- 7) „ცნობადი სახე „სანტა კლაუსი“ დასავლური თოვლის ბაბუა პოლანდიიდან მოდის..“
- 8) „ცნობადი სახე ჟოზე მაურინიო, თანამედროვეობის ერთ-ერთი უდიდესი მწვრთნელი.
- 9) „ცნობადი სახე, პედრო ალმადოვარი, თანამედროვეობის ერთ-ერთი ყველაზე მოღური რეჟისორი“.
- 10) „ცნობადი სახე, ვორნ ივანიშვილი, ამ ხორვატმა ჩოგბურთელმა უაღრესად მომთხოვნი ინგლისური პუბლიკაც კი დაიპყრო“.
- 11) „ცნობადი სახე, სერ ტერი ვოგანი, ირლანდიური რადიოსა და ტელევიზიის ლეგენდა, 1971 წლიდან 2008 წლამდე BBC - სთვის ევროვიზიის რეპორტაჟები მიჰყავდა“.
- 12) „ცნობადი სახე ლეონიდ სტადნიკი, ყველაზე მაღალი ადამიანი, მისი სიმაღლე 257 სანტიმეტრია“.
- 13) „ცნობადი სახე, ჯესიკა ენისი, ბრიტანელი მრავალჭიდელი, ქვეყანაში ერთ-ერთი პოპულარული ადამიანია (პოპულარული-ცნობადი)“.
- 14) „ცნობადი სახე, სტივ ლარსენი, საკულტო მწერალი, რომელმაც გასულ წელს პოპულარობა მოიპოვა“.
- 15) „ცნობადი სახე, ანდრე ვაგანტი, კიდევ ერთი ღიდი ადამიანი ჩვენს სიაში.“
- 16) „ცნობადი სახე, სილვიო ბერლუსკონი, იტალიის პრემიერმა პოლიტიკური საქმიანობით როდი მოიპოვა საქვეყნო პოპულარობა.“
- 17) „საიფორმაციო სააგენტო „საქართველო და მსოფლიო“ 2014 წლის 27 თებერვალი: „შეზარხოშებული ცნობადი სახეები“. 18) „ურნალი რეიტინგი: ცნობილი სახეებიც ადამიანები არიან და მათაც სჭირდებათ დასვენება“.

19) „ჯონ მალკუვიჩი, მართალია, ცნობილი კინომსახიობი ამერიკაში დაიბადა და თავსაც ამერიკელად თვლის, მაგრამ მისი ბაბუა ხორვატი იყო“.

20) „ცნობადი სახე, რვაფეხა პაული, ცნობილი რვაფეხა მსოფლიოში“.

21) „როდესაც ცნობილ სახეებთან დასხვენების თემაზე გასაუბრება გადავწყვიტეთ, არ გვეგონა, თუ ეს გახდებოდა ჩვენი საუბრის მთავარი თემა“.

მოხმობილი მასალის საფუძველზე, საქმე უფრო შორს მიდის ... ცნობადის პარალელურად (პოპულარობის) გამომხატველი ახალი ტერმინია გამოყენებული „ცნობადობა“. ერთი და იგივე ავტორი სტატიაში გამოიყენებს „ცნობილი ადამიანები“, „მათი ცნობადობის გამო შეეძლოთ აერჩიათ კიდევ ... (პარტიაში). „ცნობადობა“, როგორც ტერმინი, რამდენად გამოხატავს შესაბამის შინაარსს, ჯერ კიდევ საკითხევია.

22) „ცნობილი სახეები მანდატებს ვერ მიიღებენ, თუ პარტიას არ აქვს კარგი რეპუტაცია და სუვთა ქართული“.

23) (გ. ასანიძე) ... „მისმა ცნობადობამ და იმ სისარულმა, რომელიც მან თავისი გამარჯვებით მოჰვარა, თითქოს გააჩუმა საზოგადოება“.

24) ... „სიის პირველი ნომერი თბილისში უახლოეს დღეებში გახდება ცნობილი“.

25) „გვინდა ამ არჩევნებზე წარმოდგენილი იყოს როგორც ცნობადი სახეები, ასევე ახალი სახეები“.

ტერმინი „ცნობადი“ „ახალ სახეებს“ ნიშნავს იმიტომ, რომ ცნობადი ჯერ კიდევ არ ნიშნავს ცნობილს. „ცნობადი სახე“ პოპულარობისა და ცნობილობის გზაზე დგას და მისთვის ჯერ არ მიუღწევია, უპრიანი იქნება, ყოფილიყო „ცნობილი სახეები“, ასევე ახალი სახელები ან სახეები.

„ცნობადი“ და „ცნობილი“ სემანტიკურად რომ განსხვავებული ტერმინებია, და მათ ერთდროულად ხმარებას აბსურდადე მივყავართ, ამას შემდეგი წინადადება მოწმობს: „ერთი გოგოა ეგეთი, ადრე ნუცას სკოლაში იმდერა და მერე ცნობილი თუ ცნობადი გახდა“... (რისი თქმა უნდოდა აგტორს?)

ჩვენ მიერ წარმოდგენილ ტექსტებში (სტატიები) „პოპულარობის“ (სახალხობის) მნიშვნელობით „ცნობადი“, „ცნობილი“ ტერმინის წინადადებაში გამოყენების რამდენიმე მომენტი გამოიკვეთა:

I. გამოყენებულია მხოლოდ -ილ-იანი (*ცნობილი*) ფორმა (იხ. წინადაღებები №№ 18, 19, 21, 22, 23, 24, 26);

II. გამოყენებულია მხოლოდ -ად- იანი ფორმა (*ცნობადი*) იხ. წინადაღება №№ 4, 5, 6, 7, 8, 9, 10, 11, 12, 15, 25, 27);

III. როდესაც ტექსტში გამოყენებულია პარალელურად -ად-იანი და ული-ანი ფორმები (იხ. წინადაღება №№ 2, 20);

IV. გამოყენებულია -ად-იანი, ულ-იანი ფორმების პარალელურად გამოიყენება სიტყვა პოპულარული ან პოპულარობა (იხ. წინადაღებები №№ 1, 13, 16, 14).

ჩნდება კითხვა, რატომ ოშეკლიებს -ად-იანი ფორმა ხან - ილ-იანს, ხან კი -ულ-იანს.

ჩვენი აზრით, ფორმა „ცნობადი“ ენაში ჯიუტად ცდილობს ადგილის დამკვიდრებას, მაგრამ შესაბამისი (ზუსტი) აზრის გამოხატვისათვის რადაც აკლია და ამიტომაც იგი იშველიებს პარალელურ ფორმას, რის გამოც ერთსა და იმავე წინადაღებაში გამოყენებულია ტერმინები „ცნობილი“, „პოპულარული“. ამ ლექსემის დახმარებით ხდება ნათელი წინადაღებით გადმოცემული შინაარსი, ამიტომ „ცნობადი“ და „ცნობილი“ სინონიმები არ არის. ჩვენი აზრით, ცნობადია სახე, რომელიც ცდილობს იყოს პოპულარული, მაგრამ ჯერ არ არის: „ცნობილი სახე“ კი მიზანს მიღწეულ პიროვნებაზე მიგვითითებს. „ცნობადი“ ფორმა არ შეიძლება გამოვიყენოთ წარსულში ან დღევანდელობაში მიზანმიღწეული პიროვნების დასახასიათებლად. უკეთესია მათ გამოსახატავად „ცნობილი“ ფორმა გამოვიყენოთ.

ადამიანის ცნობილობა//„ცნობადობა“ მისი პოპულარობის, წარმატებლობის და დამსახურების მიხედვით შეიძლება შეფასდეს. ხდება ერთგვარი დიფერენციაცია. არ შეიძლება ითქვას – „ილია იყო ცნობადი სახე“, რადგან ილია არის „ცნობილი“. ასევე აწმუნში შეუძლებელია ვთქვათ: „ილია არის ცნობადი სახე“.

„ცნობადი“ ფორმა უნდა გაჩენილიყო ბოლოხანს ენაში დამკვიდრებული „განვითარებული“ და „განვითარებადი ქვეჭნების“ ტერმინთა და სხვათა ანალოგით. ამ შემთხვევაში -ად-იანი და -ილ-იანი ფორმები ზუსტად და შესაბამისად გამოხატავს სიტუაციის, მდგომარეობის შინაარსს, რასაც ვერ ვხვდავთ „ცნობადისა“ და „ცნობილის“ სინონიმურ გაგებაში.

მართალია, ენა ქმნის კანონებს და არა კანონი ენას, მაგრამ ეს იმას არ ნიშნავს, ენაში დავამკვიდროთ გრამატიკულ-

ლად მცდარი, არამართებული ფორმები. აქედან გამომდინარე, ეწ. ად-იანი ფორმები მეტყველების რომელი ნაწილია – ზედ-სართავი თუ სახელზმა?! მსგავსად თვალი – თვალად – თვალადი; ტანი – ტანად – ტანადი; ეს გასაგებია, ნიშნავს გარეგნობით ლამაზს და მაღალს, მაგრამ ყურ-ებ-ად-ი რადა? – ყურება „უყურებს“ ზმის საწყისია, მისი მიმღეობის ფორმებია: მაყურ-ებ-ელი, ნაყურ-ები, საშუალო გვარის მიმღეობის ფორმა არ გააჩნია, რომ ჰქონოდა, უნდა ყოფილიყო მყურ-ებ-არ-ე (მჰექარ-ე, მბზინვარე, მჩევარე) ყურებადი შესაძლებელია საშუალი გვარის მიმღეობის ფორმას წარმოადგენდეს მხოლოდ შინაარსით, ანუ იქნეს ახალ მნიშვნელობას.

ჩვენ თვალწინ ყალიბდება ახალი საშუალი გვარის მიმღეობა, კერძოდ, ხდება საშუალო გვარის მიმღეობად ჩამოყალიბება საწყისის ად-იანი ფორმებისა, ყურ-ებ-ად-ი და სხვა ად-იანი ფორმებიც ასეთ შინაარსს გამოხატავს, გვაქვს მთელი რიგი -ად-იანი, სუფიქსით წარმოქმნილი სიტყვები, რომლებიც პარალელურად არსებობენ საშუალი გვარის მიმღეობის ტრადიციული წარმოების მ-არ-ე მიმღეობის ფორმებთან:

ბზინავს – (ზ) – ბზინგარ-ე – ბზინვადი;

გრძნობს – გრძნობიარ-ე – გრძნობადი;

ფშინავს (ზ) – ფშინგარ-ე – ფშინვადი;

ბრწყინავს (ზ) – ბრწყინგარ-ე – ბრწყინვადი;

შესაძლებელია, „ცნობადის“, როგორც მსაზღვრელის (გან-საზღვრების) გამოყენება პროცესის და არა შედეგის გამოსახ-ატავად თანმიმდევრობის მიხედვით თანადროულ სიტუაციაში. საერთოდ კი გამოკვლევამ ასეთი შედეგი გვიჩვენა:

„ცნობადი“ არის დაფიქსირებული ი. აბულაძის ძველი ქარ-თული ენის ლექსიკონში, ოდონდ არა პოპულარობის მნიშვნელობით. ტერმინი „ცნობილი“ ამ ლექსიკონში არ არის შეტანილი. იგი დასტურდება „ვეფხისტყაოსანში“. ქართული ენის განმარტებით ლექსიკონში ორივე ფორმაა შეტანილი, ოდონდ „ცნობადი“ არ არის „პოპულარულის“ სემანტიკით. „ცნობილი“ ერთ-ერთი მნიშვნელობით „პოპულარულსაც“ ნიშნავს. ორთო-გრაფიული ლექსიკონის თანახმად, სალიტერატურო ნორმად გვევლინება „ცნობილი“ ფორმა და „ცნობადი“ საერთოდ არ ფიქსირდება.

როგორც ჩანს, ავტოტივები და აქტიური ზმნები, გარდა ცნობილი კატეგორიების მსგავსებისა, საშუალო გვარის მიმღეობის წარმოებითაც ემსგავსებიან, კერძოდ, როდესაც მოქ-

მედებითი გვარის ფორმებიდან გვინდა ვაწარმოოთ საშუალი გვარის მიმღება, უმეტეს შემთხვევაში იგი – ად-იანი ფორმით იწარმოება, ასევე, ად-იან ფორმებს აწარმოებს უმეტეს შემთხვევაში მედიოაქტიური ზმნები, კერძოდ ან მხოლოდ -ად-იან ფორმებს აწარმოებს, ან პარალელურად –არ-ე აფიქსისა. მედიოპასიურ ზმნებს მ-არე ტიპებიდან აწარმოებს.

გამოყენებული ლიტერატურა:

აბულაძე, 1973 – აბულაძე ი., ძეგლი ქართული ენის ლექსიკონი, თბ., 1973.

არაბული, 2008 – არაბული ა., ქართული მეტყველების კულტურა, თბ., 2008.

აფრიდონიძე, 2002 – აფრიდონიძე შ., ჩვენი ენა ქართული, თბ., 2002.

თოფურია, გიგინეიშვილი, 1998 – თოფურია ვ., გიგინეიშვილი ი., ქართული ენის ორთოგრაფიული ლექსიკონი, თბ., 1998.

რუსთაველი, 1966 – რუსთაველი შოთა, „ვეფხისტყაოსანი“, თბ., 1966.

რუსთაველი, 2014 – რუსთაველი შოთა, „ვეფხისტყაოსანი“, თბ., 2014 (ნ. ნათაძის გამოც, ალ. ჭინჭარაულის რედაქციით).

სარჯველაძე, 1995 – სარჯველაძე ზ., ძეგლი ქართული ენის ლექსიკონი, 1995.

სადინაძე – სადინაძე რ., ძეგლი ქართული ენის გრამატიკა, თბ. 1964.

შანიძე, 1973 – შანიძე ა., ქართული ენის გრამატიკის საფუძვლები, თბ., 1973.

შანიძე, 1976 – შანიძე ა., ძვ. ქართული ენის გრამატიკა, თბ., 1976.

ქეგლ, 1962 – ქართული ენის გამარტებითი ლექსიკონი, VII, 1962.

ქეგლ, 1964 – ქართული ენის განმარტებითი ლექსიკონი, VIII, თბ., 1964.

მაგალითები დამოწმებულია შემდეგი გამოცემებიდან:

<http://24 saatige/haws/story/29217> – mouriniodoan – bitzamdesthash.vhvilez.dput

ინვერსიული ლექსიკონი, თბ., 1967.

- საიორმაციო სააგენტო „საქართველო და მსოფლიო“, 2014,
27 თებერვალი.
- ქურნალი „რეიტინგი“, 2014, 27 ივნისი.
- კვირის პალიტრა, 2014, 25 ივნისი.
- სააგენტო „საფეხბურთო ლიგა“, 2014, 26 აგვისტო.
- სააგენტო „ნიუსჯი“, 2014 26 აპრილი.
- სააგენტო „თავისუფალი ზონა“, 2014, 19 ნოემბერი.

Natela Beridze

“TSNOBILI” AND “TSNOBADI”

Summary

Modern Georgian literary language contains a lot of words in the Adverbial Case. Among them special attention is given to adjectival and participial samples such as: tanadi (well-built), tvaladi (good-looking), feradi (colorful), diadi (great), mtsiredi (a little), brunebadi (rotational), ganvitarebadi (developmental), danawilebadi (dividable), dashladi (splittable), drekadi (flexible) and so on. Besides, the article singles out the - ad participial forms which became very active the last days.

The word “tsnobili” (famous) is Past Participle of the Passive Voice. It indicates the result, while the word “tsnobadi” (not famous yet) expresses the process of becoming famous. Therefore, it is impossible to express the past tense with - ad form.

The article deals with the process of transforming adverbial forms into -ad participial forms and the semantical function connected with it to find out the essence of “tsnobili” and “tsnobadi”. It can be said: “Ilia Chavchavadze is a famous (tsnobili) person”, but we can’t say that “Ilia Chavchavadze is a “tsnobadi” (is not famous yet) person”.